

Incisus ferro truncus mansuescit amico ,
Educitque novas frondes , & cerea pruna .
Non jaculo , non ille vetat certare sagitta .
At teretis calami , meliorem & cuspidis usum
Extudit æratæ , quo non oculusque , manusque
Se tantum , ast una & mentis vigor , atque feracis
Ingenii dives pariter se copia prodat .

Fas , ait , egregias animas , quæ carmine culto
Hoc decus , & famam solida virtute perennem
Arcadico peperere solo , quos extulit ipse
Hinc pater ætherei stellatum ad culmen Olympi
Avectos curru Phæbus , cœloque locavit ;
Fas merito , o pueri , memores celebremus honore :
Fas oculis redeant rapti licet , altaque ad imas
Atq; iterum , atque iterum mentes exempla recurrant.
Ite ergo , & notos jaculis effingite vultus ,
Siquis amat duro extantes educere saxo ;
Præfringat calamum , pro scalp pro ferrea teli
Cuspis erit ; buxus si mollior , atque cupressus .
Arridet magis ; oblonga disjungere fibras ,
Atque secare acie , & poterit perradere sectas .
Cerata in tabula , viridive in cortice si quis
Maluerit tenui formas incidere sulco ;
Ille stylo tenuem , qua cuspis acuta , sagittam
Substituatur , tractetque agilis . Demum ora colore
Qui vario , & cultum mentiri malit agrestem ,
Is , calamo qua pluma levis defigier imo
Assolet , & tremuli zephyros agitare susurro ,
Aut apri fetas , aut crinem adstringat equinum :
His poterit mixtos per telam ducere fucos .
Fistula , pastorale pedum , & Parnassia laurus
Prodant Arcadicos insignia nota colonos .
At variis , quæ cuique petit laus debita , signis
Et decora , & mores , & grandia facta notentur ,
Hæc animo sibi quisque suo configat , & omnes
Exerat ingenii vires , mentisque vigorem

Ex-